

## Tinta Bicara Pengarah EME



SYABAS kepada sidang redaksi BULETIN EME di atas penerbitan ini dan saya juga ingin mengucapkan terima kasih kerana diberi peluang untuk menitipkan sepatah dua kata dalam keluaran sulung bagi tahun 2011.

Adalah menjadi aspirasi setiap dari kita untuk berada dalam satu organisasi yang unggul, dihormati dan dibanggakan. Walau bagaimanapun, persekitaran pada zaman serba moden dan mencabar ini memerlukan anjakan paradigma terhadap gaya pemikiran dan cara bekerja ke arah mencapai kecemerlangan yang dicari.

Penerbitan buletin seumpama ini mampu memberi kesan positif kepada semua warga kerja dan pelanggan amnya. Secara tidak langsung, ia berupaya menghubungkan EME dengan masyarakat luar dan mendatangkan kesan positif kepada organisasi. Penyiaran isu-isu semasa amat penting dan perlu dititikberatkan oleh sesebuah organisasi supaya ia lebih bersifat *transparent*, telus dan dinamik memenuhi keperluan perkhidmatan pelanggan serta

penyampaian kerja "work delivery".

Seiring dengan konsep pendampingan pelajar, EME sentiasa mencari pembaharuan yang positif bagi memantapkan lagi persembahan perkhidmatan ke arah mencapai piagam pelanggan dan sasaran KPI, kalau tidak pun pencapaian yang lebih dari yang telah ditetapkan. Kecemerlangan organisasi tidak akan menjadi kenyataan tanpa usaha yang ikhlas serta kerjasama dikalangan rakan kerja.

Budaya kerja yang sihat perlu bagi menghidupkan suasana kerja yang harmoni dalam membudayakan sikap penyayang, bekerja dengan penuh profesionalisme dan mengutamakan semangat kerja berpasukan dalam membina EME bersama-sama untuk terus subur, berkesinambungan, berkembang dan sejahtera.

Pada kesempatan ini, saya amat berterima kasih kepada semua warga EME yang begitu gigih dan setia untuk terus memberi perkhidmatan terbaik dan insya Allah, segala usaha murni ini akan diberkati dan dirahmati-Nya juga.

"Khidmat diberi Ikhlas di Hati"

Prof. Madya Dr. Hj. Su'aidi Dato' Hj. Safei, D.S.M  
Pengarah, Education Malaysia Egypt

## Pendekatan Terbaru EME

Untuk tahun 2011 ini, isu penjenamaan semula MSD kepada EM, di luar negara keseluruhan dengan pertukaran bahagian pengurusan dari Bahagian Hal Ehwal dan Pembangunan Pelajar kepada Bahagian Education Malaysia, Jabatan Pengajian Tinggi, amat berkaitan dengan hasrat mempromosi pendidikan/pengajian tinggi di Malaysia, sekaligus memperkasa status institusi universiti ke arah mendapat pengiktirafan global. Prospek negara Malaysia untuk diterima di mata dunia amat menonjol dan ketara. Agensi berwajib memerlukan inisiatif dan strategi terancang demi menarik minat *edu-tourism* asing untuk berkunjung ke bumi Malaysia.

Sehubungan itu, buat pertama kalinya, EME pada 7 Jun 2011 telah bertindak di antara rangka strateginya untuk melaksanakan hasrat tersebut dengan menujuhkan gagasan Sekretariat Majlis Mesyuarat Pegawai Rumah Negeri (SMMPRN). Semua Pegawai Rumah Negeri amat bersetuju dengan penubuhan

sekretariat ini dan berharap ianya bukan sekadar penjenamaan semula sesi mesyuarat pendidikan EME bersama Pegawai HEP Negeri yang wujud sebelum ini, bahkan menjadi jabatan yang lebih mesra pelajar. Pegawai EME dan HEP Rumah Negeri berperanan sebagai pembimbing/kaunselor yang berfungsi menasihati dan memandu arah pelajar ke arah kematangan, menyokong aktiviti/program dan sentiasa bersangka baik dengan memberi ruang kepada perubahan dan penambah baikan.

Pengarah EME sebagai Pengerusi SMMPRN memperjelas latar belakang, konsep dan objektif penubuhan SMMPRN, yang antara lainnya:

- i. menjana tenaga sinergi gabungan, kerjasama dan kolaborasi semua Rumah Negeri dan EME dalam melaksanakan program/aktiviti akademik dan separa akademik.

### Pendekatan Terbaru EME

- ii. memperkasa institusi Rumah Negeri dan EME untuk mempamerkan model operasi kerana wujud institusi seumpama ini di luar Malaysia hanya di Mesir sahaja, tidak berlaku di mana-mana negara lain.
- iii. berkongsi kekuatan dan kelebihan di antara negeri, individu dan kolektif dalam menambah nilai pencapaian dan menjamin kualiti persesembahan Rumah Negeri dan EME.
- iv. kesatuan dalam kepelbagaian "*Unity in Diversity*" menjadi teras kepada agenda perpaduan. SMMPRN membawa wadah bersama bergerak secara strategik ke arah melahirkan siswa/i cemerlang, bersahsiah tinggi serta berjati diri.
- v. wahana untuk mempromosi negara Malaysia di mata tetangga warga Mesir dan pelancong asing amnya dengan budaya dan gaya hidup bermuafakat komuniti Malaysia.

Selain merapatkan hubungan kekeluargaan di antara pegawai kerajaan negeri dan persekutuan, penubuhan sekretariat ini juga menjadi jambatan penghubung dengan mahasiswa/wi anak negeri lebih akrab berbanding sebelum ini. Pelbagai lagi agenda penubuhan AJK pelaksana program/aktiviti yang akan dibincangkan di dalam mesyuarat bulanan ini bagi menaik taraf mahasiswa Malaysia keseluruhannya. Semoga penubuhan sekretariat ini mampu dimanfaati oleh semua pihak dalam garis hayat masing-masing di Republik Arab Mesir ini.